

國學基本叢書
羣書治要
上

書叢本基學國

要治書羣

(上)

撰等徵魏

行發館書印務商

刊羣書治要考例

謹考國史承和貞觀之際。經筵屢講此書。距今殆千年。而宋明諸儒。無一言及者。則其亡失已久。寬永中。我敬公儒臣堀正意檢此書。題其首曰。正和年中。北條實時好居書籍。得請諸中祕。寫以藏其金澤文庫。及神祖統一之日。見之。喜其免兵燹。乃命範金至台廟獻之。皇朝其餘頒宗戚親臣。是今之活字銅版也。舊目五十卷。今存四十七卷。其三卷。不知亡何時。羅山先生補其三卷。而一卷不傳。故不取也。但知金澤之舊藏。亦缺三本。近世活本亦難得。如其繕本。隨寫隨誤。勢世以音訛。所處以訓謬。開有不可讀者。我孝昭二世子好學。及讀此書。有志校刊。幸魏氏所引原書。今存者十七八。乃博募異本於四方。日與侍臣照對。是正。業未成。不幸皆早逝。今世子深悼之。請繼其志。勸諸臣相與卒其業。於是我公上自內庫之藏。旁至公卿大夫之家。請以比之。惜以對之。乃命臣人見泰。臣深田正純。臣大塚長幹。臣宇野久恒。臣角田明。臣野村昌武。臣岡田挺之。臣關嘉臣。中西衛。臣小河鼎。臣南宮齡。臣德民等。考異同。定疑似。臣等議曰。是非不疑者。就正之。兩可者。共存。又與所引錯綜大異者。疑魏氏所見。其亦有異本歟。又有彼全備而此甚省者。蓋魏氏之志。唯主治要。不事修辭。亦足以觀魏氏經國之器。規模宏大。取舍之意。大非後世諸儒所及也。今逐次補之。則失魏氏之意。故不爲

也。不得原書者，則敢附臆考，以待後賢。以是爲例，讎校以上。天明五年乙巳春二月乙未，尾張國校督學臣細井德民謹識。

羣書治要序

祕書監鉅鹿男臣魏徵等奉敕撰

竊惟載籍之興。其來尚矣。左史右史。記事記言。皆所以昭德塞違。勸善懲惡。故作而可紀。薰風揚乎百代。動而不法。炯戒垂乎千祀。是以歷觀前聖。撫運膺期。莫不懷乎御朽。自強不息。乾乾夕惕。義在茲乎。近古皇王。時有撰述。並皆包括天地。牢籠羣有。競採浮豔之詞。爭馳泛誕之說。聘末學之博聞。飾雕蟲之小伎。流宕忘反。殊塗同致。雖辯周萬物。愈失司契之源。術總百端。乖得一之旨。皇上以天縱之多才。運生知之叡思。性與道合。動妙幾神。玄德潛通。化前王之所未化。損己利物。行列聖之所不能行。翰海龍庭之野。並爲郡國。扶桑若木之域。咸襲纓冕。天地成平。外內禔福。猶且爲而不恃。雖休勿休。俯協堯舜。式遵稽古。不察貌乎止水。將取鑒乎哲人。以爲六籍紛綸。百家踳駁。窮理盡性。則勞而少功。周覽汎觀。則博而寡要。故爰命臣等。採摭羣書。翦截淫放。光昭訓典。聖思所存。務乎政術。綴敘大略。咸發神衷。雅致鉤深。規摹宏遠。網羅治體。事非一目。若乃欽明之后。屈己以救時。無道之君。樂身以亡國。或臨難而知懼。在危而獲安。或得志而驕居。業成以致敗者。莫不備其得失。以著爲君之難。其委質策名。立功樹惠。貞心直道。忘軀徇國。身殞百年之中。聲馳千載之外。或大奸巨猾。轉

日回天。社鼠城狐。反白仰黑。忠良由其放逐。邦國因以危亡者。咸亦述其終始。以顯爲臣不易。其立德立言。作訓垂範。爲綱爲紀。經天緯地。金聲玉振。騰實飛英。雅論徽猷。嘉言美事。可以弘獎名教。崇太平之基者。固亦片善不遺。將以丕顯皇極。至於母儀嬪則懿后良妃。參徽猷於十亂。著深誠於辭。或傾城哲婦。亡國豔妻。候晨雞以先鳴。待舉烽而後笑者。時有所存。以備勸戒。爰自六經。訖乎諸子。上始五帝。下盡晉年。凡爲五卷。合五十卷。本求治要。故以治要爲名。但皇覽遍略。隨方類聚。名目互顯。首尾淆亂。文義斷絕。尋究爲難。今之所撰。異乎先作。總立新名。各全舊體。欲令見本知末。原始要終。並棄彼春華。採茲秋實。一書之內。牙角無遺。一事之中。羽毛咸盡。用之當今。足以鑒覽前古。傳之來葉。可以貽厥孫謀。引而申之。觸類而長。蓋亦言之者無罪。聞之者足以自戒。庶弘茲九德。簡而易從。觀彼百王。不疾而速。崇巍巍之盛業。開蕩蕩之王道。可久可大之功。並天地之貞觀。日用日新之德。將金鏡以長懸。其目錄次第。編之如左。

校正羣書治要序

古昔聖主賢臣所以孜孜講求莫非平治天下之道皆以救弊於一時成法於萬世外此豈有可觀者哉但世遷事變時換勢殊不得不因物立則視宜創制是以論說之言日浩撰著之文月繁簡樸常寡浮誕漸勝其綱之不能知而況舉其目乎此書之作蓋其以此也先明道之所以立而後知政之所行先尋教之所以設而後得學之所歸自典誥深奧訖史子辨博諸係乎政術存乎勸戒者舉而不遺罷朝而不厭其淆亂閉室而不煩其尋究誠亦次經之書也我朝承和貞觀之間致重雍襲熙之盛者未必不因講究此書之力則凡君民臣君者非所可忽也尾公有見於斯使世子命臣僚校正而上之木又使余信敬序之惟信敬弱而不敏如宜固辭者而不敢者抑亦有故也羣書治要五十卷五十卷內闕三卷神祖遷駿府得此書惜其不全命我遠祖羅山補之三卷內一卷今不傳今尾公此舉上之欲君民者執以致日新之美下之欲臣君者奉以贊金鏡之明爲天下國家冀昇平之愈久遠心曠度有不可勝言者也信敬預事亦知遠祖所望信敬是所以奉命不敢辭也天明七年丁未四月朝散大夫國子祭酒林信敬謹序

羣書治要五十卷提要

阮元經室外集

唐魏徵等奉敕撰。徵字元成。魏州曲城人。官至太子太師。諡文貞。事蹟具唐書本傳。案宋王溥唐會要云。貞觀五年九月二十七日。祕書監魏徵撰羣書治要上之。又云。太宗欲覽前王得失。爰自六經訖於諸子。上始五帝。下盡晉年。書成。諸王各賜一本。又唐書蕭德言傳云。太宗詔魏徵。虞世南。褚亮。及德言。袁次經。史。百氏帝王所以興衰者。上之。帝愛其書博而要。曰。使我稽古臨事不惑者。卿等力也。德言。費賜尤渥。然則書實成於德言之手。故唐書於魏徵。虞世南。褚亮。傳皆不及也。是編卷帙。與唐志合。魏徵志云。魏徵家類。魏徵羣書治要五十卷。劉伯莊藏書治要音五卷。宋史藝文志。即不著錄。知其佚久矣。此本乃日本人掘印。前有魏徵序。惟闕第四。第十三。第二十三卷。今觀所載。專主治道。不事修辭。凡有關乎政術。存乎勸戒者。莫不彙而輯之。即所采各書。并屬初唐善冊。與近刊多有不同。如晉書二卷。尚爲未修晉書以前十八家中之舊本。又桓譚新論。崔寔政要論。魏徵志云。崔寔政要論。正論六卷。此近要字。仲長統昌言。袁準正書。魏徵志云。袁準正論十九卷。注。又有袁子政書二十五卷。亡。蔣濟萬機論。桓範政要論。魏徵志云。桓範政要論。諱改世曰政。又案杜恕體論。劉鳳政論亦久佚。近多不傳。亦藉此以存其梗概。洵初唐古籍也。

羣書治要目錄

第一卷十卷

第一 周易

第二 尚書

第三 毛詩

第四 春秋左氏傳上闕

第五 春秋左氏傳中

第六 春秋左氏傳下

第七 禮記

第八 周禮 周書 國語 韓詩外傳

第九 孝經 論語

第十 孔子家語

第二卷十卷

羣書治要 目錄

羣書治要 目錄

第十一 史記上

第十二 史記下 吳越春秋

第十三 漢書一 闕

第十四 漢書二

第十五 漢書三

第十六 漢書四

第十七 漢書五

第十八 漢書六

第十九 漢書七

第二十 漢書八 闕

第三 奏十卷

第二十一 後漢書一

第二十二 後漢書二

第二十三 後漢書三

第二十四 後漢書四

第二十五 魏志上

第二十六 魏志下

第二十七 蜀志 吳志上

第二十八 吳志下

第二十九 晉書上

第三十 晉書下

第四表十卷

第三十一 六韜 陰謀 魏子

第三十二 管子

第三十三 晏子 司馬法 孫子

第三十四 老子 鶡冠子 列子 墨子

第三十五 文子 曾子

第三十六 吳子 商君子 尸子 申子

羣書治要 目錄

羣書治要 目錄

第三十七 孟子 慎子 尹文子 莊子 尉繚子

第三十八 孫卿子

第三十九 呂氏春秋

第四十 韓子 三略 新語 賈子

第五表十卷

第四十一 淮南子

第四十二 鹽鐵論 新序

第四十三 說苑

第四十四 桓子新論 潛夫論

第四十五 崔寔政論 昌言

第四十六 申鑒 中論 典論

第四十七 劉廙政論 蔣子 政要論

第四十八 經論 典語

第四十九 傅子

本文作袁
子正書。

第五十 袁子書 抱朴子

袁書治要 目錄

羣書治要卷第一

祕書監鉅鹿男臣魏徵等奉勅撰

周易

乾元亨利貞

文言傳也

象曰：天行健，君子以自強不息。九三：君子終日乾乾，夕惕若厲，無咎。處下體之極，居上體之極。

乾元，純陰下道，則居上之德衰，純陰上道，則處下之禮曠，故終日乾乾，至于夕惕猶若厲也。

九五：飛龍在天，利見大人。

不行不躍而在乎天，故曰飛龍也。龍德在天，則大人之路亨也。夫位

以道與德，以位發，以至禮而處，處位，萬物之觀，不亦宜乎。

上九：亢龍有悔，象曰：大哉乾元，萬物資始，乃統天。雲行雨施，品物流形。

大明終始，六位時成，時乘六龍以御天。乾道變化，各正性命。

大明乎終始之道，故六位不失其時而成也。升降無常，隨時而用，處則乘潛龍，出則乘

飛龍，故曰時乘六龍也。

保合大和，乃利貞。

不和而剛暴也。

首出庶物，萬國咸寧。

萬物所以寧，各以有君也。

文言曰：元者，善之長也；亨

者，嘉之會也；利者，義之和也；貞者，事之幹也。君子體仁足以長人，嘉會足以合禮，利物足以和義，貞

固足以幹事。君子行此四德者，故曰乾元亨利貞。君子終日乾乾，夕惕若厲，無咎。何謂也？子曰：君子

進德修業，忠信所以進德也，修辞立其誠，所以居業也。是故居上位而不驕，在下位而不憂，居下體之上，在上

禮之下，明夫終體，故不驕也。知夫至至，故不憂也。

故乾乾因其時而惕，雖危無咎矣。惕，戒也。飛龍在天，利見大人，何謂也？子

曰：同聲相應，同氣相求，水流濕，火就燥，雲從龍，風從虎，聖人作而萬物覩，亢龍有悔，何謂也？子曰：貴

而無位高而無民。

下無陰也。

賢人在下位而無輔。

賢人雖在下，而當位不爲之助。

是以動而有悔也。君子學以聚之，間以

辨之。

以君德而處下體，資納於物者也。

寬以居之，仁以行之。夫大人者，與天地合其德，與日月合其明，與四時合其序，

與鬼神合其吉凶。先天而天弗違，後天而奉天時。天且弗違，而況於人乎？況於鬼神乎？亢之爲言也，

知進而不知退，知存而不知亡，知得而不知喪，其唯聖人乎？知進退存亡而不失其正者，其唯聖人

乎。

坤象曰：地勢坤。君子以厚德載物。象曰：至哉坤元，萬物資生，乃順承天。坤厚載物，德合無疆，含弘光

大，品物咸亨。文言曰：坤至柔而動也剛，至靜而德方，含萬物而化光，坤道其順乎？承天而時行，積善

之家，必其餘慶，積不善之家，必其餘殃。君子敬以直內，義以方外，敬義立而德不孤。

屯象曰：雲雷屯。君子以經綸。

君子經綸之時。

象曰：天造草昧，宜健侯而不寧。

屯，隱不寧。故利建諸侯也。屯者，天地造始之時也。造物之始，始於

冥昧，故曰草昧也。處造始之時，所宜之善，莫善於建侯。

蒙象曰：山下出泉，蒙。君子以果行育德。象曰：匪我求童蒙，童蒙求我。志應也。

我謂非童蒙者，問者求明者，明者不啓問，故蒙之

爲義，匪我求童蒙，童蒙求我也。童蒙之來求，我志應故也。

蒙以養正，聖功也。

師象曰：地中有水，師。君子以容民畜衆。初六：師出以律，否臧凶。

爲師之始，齊師者也，失令有功，法所上不殺，故師出以律，否臧咎凶也。

六大：君有命，開國承家，小人勿用。

處師之極，師之終也。大君之命，不失功也。開國承家，以擊邦也。小人勿用，非其道也。

象曰：大君有命，以正功

也。小人勿用。必亂邦也。

比象曰。地上有水。比。先王以建萬國。親諸侯。萬國以比建。諸侯以比親。

履象曰。上天下澤。履。君子以辨上下。定民志。

泰象曰。天地交。泰。后以財成。天地之道。輔相天地之宜。以左右民。上下大通。則物失其節。故財成而輔相。以左右民也。象曰。天

地交而萬物通也。上下交而其志同也。內君子而外小人。君子道長。小人道消也。

否象曰。天地不交。否。君子以儉德避難。不可榮以祿。象曰。天地不交而萬物不通。上下不交而天下

無邦也。內陰而外陽。內柔而外剛。內小人而外君子。小人道長。君子道消也。九五。休否。大人吉。其亡

其亡。繫於苞桑。居否之世。能舍其身者。唯大人耳。豈爲木。木莫善於桑。人雖欲有亡之者。衆根堅固。弗能拔之也。

同人象曰。天與火。同人。天體於上。而火炎於下。人之義。君子以類族辨物。君子小人。各得所同。象曰。文明以健。中正而應。君子

正也。行健不以武而以文明用之。相應不以邪而以中正應之。君子正也。唯君子爲能通天下之志。君子以文明爲德者也。

大有象曰。火在天上。大有。君子以遏惡揚善。順天休命。大有。包容之象也。故遏惡揚善。成物之美。順奉天德。休物之命也。象曰。柔得

尊位。大中而上下應之。曰大有。虛尊以柔。居中以大。上下應之。靡所不納。大有之義也。其德剛健而文明。應乎天而時行。是以元

亨。德應于天。則行不失時矣。剛健不滯。文明不犯。應天則大。時行無違。是以元亨也。上九。自天佑之。吉無不利。居大有之上。而不異于位。志尚於賢者也。

謙象曰。地中有山。謙。君子以裒多益寡。稱物平施。多者用謙以爲裒。少者用謙以爲益。隨物而興。施不失平也。象曰。謙亨。天道下濟

而光明。地道卑而上行。天道虧盈而益謙，地道變盈而流謙，鬼神害盈而福謙，人道惡盈而好謙。謙尊而光，卑而不可踰。君子之終也。初六：謙謙君子，用涉大川。吉。能體謙謙，其唯君子。用涉大難，物無害也。象曰：謙謙君子，

卑以自牧也。

牧，養也。

九三：勞謙君子，有終吉。勞謙匪懈，是以吉也。象曰：勞謙君子，萬民服也。

豫象曰：雷出地奮豫。象曰：豫順以動，故天地如之。天地以順動，或日月不過，而四時不忒。聖人以順動，則刑罰清而民服。豫之時義大矣哉。

隨象曰：澤中有雷，隨。君子以向晦入宴息。

澤中有雷，動悅之象也。物皆悅隨，可以無爲，不勞明監，故君子向晦入宴息也。

象曰：隨時之義大矣哉。

得時則天下隨之矣。隨之所施，惟在於時。時異而不隨，否之道也。故隨時之義大矣哉。

觀象曰：風行地上，觀。先王以省方觀民設教。象曰：順而巽，中正以觀天下。觀，天之神道而四時不忒。

聖人以神道設教而天下服。六四：觀國之光，利用賓於王。

居觀之時，最近至尊，觀國之光者也。居近得位，明習國體者也。故曰：利用賓于王也。

九五：觀我生，君子無咎。上之化下，猶風靡草。故觀民之俗，以察已道。百姓有罪，在余一人。君子風著，已乃無咎。上爲化主，將欲自觀，乃觀民也。

噬嗑象曰：雷電噬嗑。先王以明罰臧否，而雷電合而彰。合，不亂乃章。皆利用獄之義也。

也。

本卦彖作
數。

賁象曰：山下有火，賁。君子以明庶政，無敢折獄。

處賁之時，止物以文明，不可以威刑。故君子以明庶政而無敢折獄也。

象曰：觀乎天文，以

察時變。觀乎人文，以化成天下。六五：賁於丘園，束帛戔戔，吝終吉。爲飾之主，飾之盛者也。施飾於物，其道害矣。施飾丘園，盛莫大焉。故曰：吝終吉。